

From

Synod Literature & Publication Board
Synod Office, Mission Veng
Aizawl – 796 001, Mizoram
Phone : 2324590



Synod Moderator Kum Thar Thuchah



KOHRAN - PATHIAN CHHUNGKUA

Tlang hrang hranga kan Kohhran chhungkaw tinte kan Lalpa Isua Krista hmingin kum thar (2012) chibai ka bûk a che u. He kum tharah hian tisa leh thlarau lam malsawmna dawng turin duhsakna ka hlan a che u. Hengte hi Kohhranhoten i lo hre thar leh ang u -

1. Kohhran mite hi an thain an

rinawm : Ka hmuh leh hriat ve chinah kan member-te hi Kohhranah an thain an rinawm êm êm. Inkhawm taima vak lote pawh hian a hunah chuan Kohhran an lo hmangaih khawp mai a, an tanin an hum tlat thin. Krista leh a Kohhran hmangaih a, a tâna inpe, a thim a var pawh thlu lo rawngbawltu tangkai, mi tha kan ngah êm êm mai te hi a lawmawmin a thlamuanthlâk hle. Kan rawngbawlhona 'Synod'-a kan rinawmna kan pek danah hian chiang takin a hmuh theih. *Krista leh a Kohhran, kan dam chhan ber ni se'* ti bur mai - Kohhrana mi rinawm kan ngah a, kan Kohhran nghehna leh chakna thahrui an ni. Kohhran chhung tinte inpekna leh rinawmnain tun dinhmun hi min hlang kai a ni.

2. Kohhran tinte thawhhona a tangkai : *Tui mal far tê tê chu, tiau vut hrang awm khawm, tuipui lian a tlinin, ram nuam a lo awm'* tih angin, chhungkaw tinin Pathian Ram thilpêk an thawh khawm chuan hna nasa takin a thawk a; Buhfaitham rawngbawlina tling khawm pawh a thahnem tham ta hle. Kohhran chhungkuate thilpêk chuan nasa taka hna thawkin, missionary pawh 1,870 lai kan tîr mek a ni. Kohhran chhungkaw tinte Pathian tâna ui lova in thilpêk hlu tak avangin lawmthu ka sawi a. Pathian tana ui lova pek chuan rah hlu tak a chhuah a, a petu tan pawh lukhawng a nei nge nge.

3. Inven ngaihna a awm : Invenna tur tam tak zînga pahnih chauh lo sawi ila -

1) Khawvel rilru : Tunlai khawvel hmasawmna chak tak karah hian inven a ngai hle. Kohhran thianghlimna vawng nung zel tura tan lak thar a tul. Politics bawlhhlawh te hi Kohhranah luhtir phal tur a ni lo - Kohhran tidarhtu a ni fo. Politics-ah aiin Krista leh a Kohhranah kan rinawm zawk loh chuan kan nun atan a pawl thei. Chanchin Tha aia Mizo Culture ngaihhlut te, Kohhran aia NGO dah pawimawh zawk

te hi chin loh a tha. Sual thup nana Kohhran leh Pathian thu hman pawh a tha bawh hek lo.

2) Zirtirna dik lo : Chanchin Tha kan dawn atangin kum 118-na lai a lo tling ta a. Heng kum chhung hian kan Kohhran hian zirtirna dik lo leh mak tak tak a paltlang a; tun thlenga kan hmuh chu kan Kohhran do nâ apiang an keh darh nasa emaw tih tur a ni. Rawngbawltute pawhin tan la thar ila - hlauh loh tur hlauva awm mêkte thlamuanin, tanpui ngaite Pathian thua tanpuiin, bumna thanga âwk mêkte i chhan chhuak ang u.

4. Inngaihsak tawn a pawimawh : Mi tinin kan beisei chu 'ngaihsak' a ni. Chhungkuaah pawh inngaihsaka, kan mamawh intihsak chu hlim tlanna a ni a, inchhirawm lo tak a ni. Mi zawng zawng chungah thil tha ti tur leh rinna chhungte zinga mi chungah ti deuh ber turin Bible-in min hrilh. Kohhran chak lo leh harsa deuhte hi a chak deuhten tanpui zel ila; chu chuan Kohhran nihhonaah nghawng tha tak a nei ngei ang.

5. Kohhran hi i bel tlat ang u : Kohhran hi Martin Luther-a chuan, *'Pathian kulhpui nghet leh himna hmunpui chhe thei lo,'* a ti a. Kohhran hi ringtuten Thlarau lam ruai, chaw hrisel leh vitamin tha kan dawnna hmun a ni a. Nu malchunga fate an seilian angin, kan thlarau nun thanlenna hmun chu Kohhran hi a ni. Chuvangin Kohhran hi i bel tlat ang u.

Chutichuan, Kohhranah chhungkua angin kan khawsa ho a, Kristaah pumkhat, unau kan nih angin hlim tlâng taka kan khawsak zel theih nan, chhungkuaa min siamtu Lal Isua hi kan nunah i dah pawimawh ber ang u.

(REV. THANGZAUVA)

Moderator

Mizoram Presbyterian Church Synod



Editorial Staff

Rev. K. Lalpiangthara
Rev. B. Lalnghakliana
Upa H. Ronghaka
Upa C.H. Thangkhuma

Sap thufingin, "A bul tan that chu a chanve zo tluk a ni," a lo ti a. He kum thar (2012) lawmawm tak mai kan lo chuan kai hian mahni kawng theuh kan zawhnaah a bul tha taka tan theuh tum ila. Mi tinin kan tuh rah hi a chhe lam a tha

lamin he leiah ngei pawh hian kan seng zel hlawm a. Rah duhawm tak kan seng theih nan kawng engkimah tha takin bul tan i tum hlawm ang u. Eng hna pawh thawk ila, fel fai taka hlen chhuah hi a kristian a ni tih kan hriat reng a pawimawh.

A bul tan that a pawimawh rualin zawh that hi kawng engkimah a pawimawh baw. Kum 1945 chho velah khan America ramah khuan Pathian mi hman challang tak tak pathum - Chuck Templeton-a te, Brown Clifford-a te leh Billy Graham-a te an lo lang rual thawih mai a. Chuck Templeton-a hming an lam hmasak loh pawhin Brown Clifford-a hmingin lam hmasak a hlawh zel a, Billy Graham-a hming chu a pathumnaah lam a ni ve chauh thin a. Hun a lo kal zel a, kum nga vel a lo vei chuan Chuck Templeton-a chuan sum tam tak hmuh theihna tur - T.V., Radio leh chanchinbu lama thawk tura an sawmnaah chuan a kal ta a. Kum li vel a lo vei leh chuan Brown Clifford-a pawh chu zû leh khawvel thil dangah nasa taka tlanin a boral a. A hnuhnuhng bera an lam thin Billy Graham-a chuan nghet takin Lal Isua a vuan tlat a, vawin thleng hian khawvel tan malsawmna a la ni thei a ni. Lal Isua hnung kan zuinaah leh a rawng kan bawlnaah hian tlan chak emaw, sawi thiam emaw, zei viau emaw lam ai hian nghehna leh rawngbawlna hlen a pawimawh a ni tih i hria ang u.

PASTOR BIAL THAR HAWN LEH INDUCTION

Synod 2012-in Pastor Bial thar 10 hawn tura a tih te chu January 14, 2012 khan hawn a ni a, hetiangin:

Sl. Bial Hming	Hawngtu
1. Ramhlun Vengthar Bial	Rev. C. Vanlalhruaia, Ramhlun Vengchhak
2. Tuithumhna Bial	Rev. Dr. C. Chawngmingliana Administrative Secy, Chhim Bial
3. Kawlkulh North Bial	Rev. H. Lalrinmawia Synod Secretary (Jr.)
4. Tuidam Bial	Rev. Lalzuihangha Executive Secretary
5. Rengdil Bial	Rev. Thangzauva Synod Moderator

(hemi zawn, lehlamah hian zawm a ni) ↗

MISSIONARY 107 TIRH CHHUAH AN NI

January 8 (Pathianni) chawhnu khan Synod Mission Board chuan Chanmari Kohhran Biak Inah kumin 2012 a tanga Mission Field hrang hranga thawk tan tur Missionary 107 tirh chhuahna hun an hmang. Tirh chhuah zinga 11 hi Missionary Pastor an ni a, a dang 96 hi hun bithiah chung neia thawk tur, Contract Missionary an ni.

Missionary tirh chhuahna inkhawm hi SMB Secretary Rev. Lalchhuanmawian a kaihruai a, Upa R. Lalmalsawma, SMB Co-ordinator-in Missionary thlahte inhmelhriattirna hun a hmang a. Synod Moderator Rev. Thangzauvan tirhchhuahna & fuihna thuchah tawi a sawi. Tirh chhuahthe aiawhin Missionary Pastor leh Missionary a tanga thusawi tawi ngaihthlak a ni a, Bawngkawn Pastor Bial Zaipawl leh Chanmari Pastor Bial Zaipawlten hla an rem baw. Rev. Zosangliana Colney, Executive Secretary-in Missionary-te puala tawngtaisakna hun a hmang a, Rev. Lalzuihangha, Executive Secretary-in malsawmna sawiin hun a khar a ni.

January 9 - 13 chung khan Contract Missionary lak thar mi 96 pualin inzir lawkna (Pre-Service Intensive Training) J.M. Lloyd Hall, Synod Office-ah buatsaih a ni a. Hetah hian Field hrang hranga kal chhuak tura a tihte chu uluk takin training an pe a ni. Missionary Pastor-te erawh chu hun dangah training hi pek leh tur an ni ang.

Tun tuma chhuak turte hi Doctor te, Nurse te, Laboratory Technician te, Theologian leh thiamna chi hrang hrang neite an ni a. An zingah hian Para-Church hnuai rawng lo bawl tawh thin eng emaw zat pawh an tel a ni. Sawrkar hna sang tak leh hna nghet neite pawh heng rawngbawltu inpe thar zingah hian an awm a. Anni hi Assam, Tripura, Cachar Tlangram, Karbi Anglong, Arunachal East leh West, Siliguri, Jharkhand, Patna, Lucknow, Delhi, Orissa leh Nepal rama kal turte an ni.

Training-ah hian an thawhna tur ram mite chanchin zir lawkna te, hma lak dan tur zirna te leh thil tul chi hrang hrangte an zir ho a ni. Training pe tur hian Mission Board lam hotute bakah Missionary Training College-a mi thiamte sawm an ni a, kum danga training nei hman lova intirh ang kha ni lovin kuminah chuan awmze nei takin Missionary chhuak turte hi training pek an ni. Anni bakah hian Isua Krista Kohhran, Bualpui (Ng) chuan he training-ah hian an Missionary an rawn tir tel baw.

Sl. Bial Hming	Hawngtu
6. Agartala Bial (Tripura)	Rev. Vanlalzuata Senior Executive Secretary
7. Saisimdung Bial (Tripura)	Rev. C.S. Rila, Noagang
8. Manu Bial (Tripura)	Rev. Chawngmunrai, Ruprai
9. Karbinda Bial (Jharkhan)	Rev. P.B. Zosaphara, Fld. Secy.
10. Khagaria Bial (Patna)	Rev. R. Lalhmingsanga, -do-

January 15 (Pathianni) khan heng Bial tharahte leh Pastor/Pro. Pastor insawn kualna hmun hrang hrangah Pastor dah ngheh inkhawm (Induction Service) urhsun taka hman a ni baw.



Mite chuan, “Ral Vengtu, Pathian hruaina zelin kum thar chu kan lo chuang chhuak ve leh ta hlawl mai chu a ni a! Kum tharah kal dan kan thiam theih nan thurawn min pe thei lawm ni?” tiin an zawt a. Ral Vengtu chuan, “A ni tak maw, eng thurawn nge maw’n in mamawh tur le? A thu hi chuan in hre tam tawh hle mai a, a taka nunpui lam hi in mamawh ber chu a ni tawh zawkin ka hria. Eng pawh nise, thurawn pe tura min beisei takah chuan tlem-a-zawng ka’n sawi ang a, ngun takin lo ngaithla ang che u.

‘Krismas in hmang zo chauh a ni bawk a, a piang in lawm Lal Isua **innghaitlawmna** hi tun kum tharah hi chuan a takin nunpui lo tum ula a tha viau ang. Nupa nun atangin in tan ang a, “*I thiam loh alawm*”, ti thinten “*Ka thiam loh a ni*”, in ti tawh zawk ang a. Khawtlang leh ramin hma a sawn chak loh nikhuaah pawh “*Anniho hi alawm*” ti lovin “*Keiniho vang hi alawm*” in ti hlahu tawh ang a. Kohhranin intihchak thar in mamawh nikhuaah pawh “*Kan hruaitute vang alawm*” tih emaw “*Mipui lam hi alawm*” ti mai lovin “*Keimahni atanga tan hi a ngai a ni*” in ti hlahu ang a. Chutianga in tih zel theih phawt chuan Zawlnei Isaian Tlangthianghlim nun a lo au chhuahpui (Messia lalram nun kha) a takin in lo hmang tawh ang a. Zoram thar, intihnat awm tawh lohnaah in cheng mai dawn alawm,” tiin thu a rawn a.

Mite chuan, “A lo ni tak maw, Lal Isua innghaitlawmna chanchin hi sawi atana tha tak, a taka nunpui tur chu Heroda nun hi niah kan lo ngai thin a. I thurawn zet chu ngaihthlak a manhla e, a taka nunpui kan lo tum dawn nia,” an ti a, mahni in lam panin an tin ve ta sang sang a.

CHATUAN CHAWLHNAAH REV. DR. R. CHHUANLIANA

Rev. Dr. R. Chhuanliana (51), Aizawl Theological College-a Associate Professor chu hun eng emaw chen cancer natna a tawrh hnuin January 8, 2012 khan chatuan ramah a chawl ta. A tukah a chenna Mendus Building, Mission Vengah thahna hun hman a nih hnuin Biak In Pui, Mission Veng, Aizawlah ropui taka vui a ni. Vuina inkhawm hi Rev. Thangzauva, Synod Moderator-in kaihruaiin Thlamuanna Thuchah a sawi a, Synod Secretary Upa D.P. Biakhuman a chanchin a sawi thung. ATC Zaipawl leh Mission Veng Kohhran Zaipawl an zai bawk. Thuthlung Thar zirnaa mi thiam Rev. Chhuana hian a nupui H. Lalthanpari leh a fate pathum a kalsan.

www.mizoramynod.org

SYNOD HOSPITAL, DURTLANG DECEMBER, 2011 CHHUNGA THILPEK DAWNTE

I. CHARITY FUND

1. Electric Veng Pastor Bial Kohhran Hmeichhia	Rs.	10,000
2. Gateway Enterprise, Bawngkawn, Aizawl	Rs.	1,000
3. Bethlehem Venglai Kohhran Hmeichhia	Rs.	5,000
4. Bethlehem Venglai Kohhran	Rs.	5,000
5. Pi Kailiani, Khatla, Aizawl	Rs.	1,000
6. Mission Veng Presbyterian Kohhran Hmeichhia	Rs.	1,00,000
7. Mission Vengthlang Kohhran Hmeichhia	Rs.	10,000
8. Upa Chawngsailova, Central Jail Veng, Aizawl	Rs.	500
9. Electric Veng Kohhran Hmeichhia	Rs.	5,000
10. Zotlang Presbyterian Kohhran Hmeichhia, Aizawl	Rs.	10,000
11. Dr. K. Lalremmawia, Hospital Campus, Durtlang	Rs.	2,000
12. Zemabawk Kohhran Hmeichhia	Rs.	10,000
13. Pi Hruaii Group, Durtlang Kohhran Hmeichhia	Rs.	2,000
14. Joseph Lalrinsailova, DPS, Treasury Square, Aizawl	Rs.	1,000
15. Tuikual Pastor Bial Kohhran Hmeichhia	Rs.	3,000
16. Dr. Rebecca Lalrintluangi, UCC, Barapani, Meghalaya	Rs.	3,500
17. KTP, Ramhlun East Branch, Aizawl	Rs.	5,310
18. KTP, Phullen Pastor Bial	Rs.	5,000
19. Tuikhuahtlang Kohhran Hmeichhia, Aizawl	Rs.	7,000
20. Hunthar Kohhran Hmeichhe Committee	Rs.	5,000
21. Assam Rifle Kohhran Hmeichhia	Rs.	2,000
22. Senior Department, Vanbawng Kohhran	Rs.	260
23. Senior Department, Thingdawl Venglai Kohhran	Rs.	500
24. Venghlui Pastor Bial Kohhran Hmeichhia	Rs.	5,000
25. Ramhlun East Kohhran Hmeichhia	Rs.	5,000
26. Chanmari Kohhran Hmeichhia	Rs.	5,000
27. KTP, Venglai Branch, Khawzawl	Rs.	1,000
28. Pu Hualhnuna, Sihphir Vengthar	Rs.	500
29. Zemabawk North Presbyterian Kohhran	Rs.	10,000
30. KTP, Dawrpui Branch, Aizawl	Rs.	4,000
31. Electric Vengthlang Presbyterian Kohhran	Rs.	10,000
32. KTP, Dintnar Branch, Aizawl	Rs.	5,000
33. KTP, Kolasib Project Veng Branch, Kolasib	Rs.	2,500
34. KTP, College Veng Branch, Aizawl	Rs.	10,000
35. Pu R. Romawia, Speaker (Assembly)	Rs.	10,000
36. YMA, Tuikual South Branch, Aizawl	Rs.	5,000
37. Ramhlun South Kohhran Hmeichhia	Rs.	10,000
38. Kolasib Electric Veng Presbyterian Kohhran	Rs.	5,000
39. Vaivakawn Presbyterian Kohhran NPSS, VBS	Rs.	1,500
40. Bezalel Steel Works, Zarkawt, Aizawl	Rs.	8,000
TOTAL	Rs.	2,91,570

II. THISEN PETE

	UNIT	PEK	ZAT
1. Chaltlang HSS, Aizawl	65		Units
2. FIWDC, Peace Home, Durtlang	17		Units
3. KTP, Chaltlang Branch, Aizawl	64		Units
4. KTP, Kanaan Branch, Aizawl	37		Units
5. KTP, Ramthar Veng Branch	55		Units
6. J. Thankima College, Bawngkawn	65		Units
7. KTP, Chawnpui Branch, Aizawl	27		Units
8. KTP, Sailam Branch, Sailam	25		Units
9. KTP, Dawrpui Vengthar Pastor Bial, Aizawl	36		Units
10. KTP, Dintnar Vengthlang Pastor Bial, Aizawl	49		Units
TOTAL	440		Units

(phêk lina, thlur hnihnaah zawm a ni)



Lianpui Kohhran chuan Tv. Lalruaimawia, Kros Fate Team ruaiin November 26 ațanga December 18, 2011 chhung Camping chhawng thum leh naupang pual lāng camp an buatsaih a. Thlarau Thianghlim hnathawh a thleng nasa hle a. Biak In lām tuala leng lo khawp an lam a, ruihhlo ti thinten an sim nghal baw. Pu Zahleithanga te chhungin Pathian hnena lawmthu sawi nan sial leh vawk an thawh a, Kohhranhoten hlim takin an kil ho.

Tualcheng Kohhran chuan November 26 ațanga December 11 2011 chhung khan Krista Thuhretu Team Speaker, Pu Lalthuamkunga ruaiin Camp chhawng hnih leh naupang lāng camp an buatsaih a, Pathian Chhandamna la chang ngai loten an chang thar a, khup zawi leh ban uai thla tawhten siamthar lehna an chang a, damna inkhawmah damlo chi hrang hrangten damna ropui tak an chang baw. Kohhranhoten an hlawkpui hle.

Tuirial Kohhran chuan Dt. 18.11.11 - 4.12.11 chhung khan Pu Lalsangluia, Gospel Reaper Team ruaiin camping chhawng thum an buatsaih a, UPC, EFCM Kohhran ațangin mi 13 lai an lut baw. Rawngbawltu chau tawh te, ringtu hnung tawh tawhten harhtharna an chang a. Inkhawm ngai tawh loten Pathian fakin ban an phar a, Kohhranho an hlim hle. Camp chhawng thumnaah phei chuan mi inphalte hnen ațangin buhfai bag te, Alu bag te, vawk sa leh ar sa te thawh an awm nual a, Kohhranhoten an hlawkpui hle.

Thingdawl Vengthar Kohhran chuan Pu H.V. Lazuimawia, Power of God Team Speaker ruaiin Dt. 19.11.11 - Dt. 4.12.11 chhung khan Camping chhawng thum leh naupang pual camp an buatsaih a, Biak In thleng pha tawh lo te, ruihhlovin a tihbuaite leh rawbgawltu inthlahdah tawhten harh tharna an chang a, Kohhranho an hlim hle. He Camp-ah hian Kohhran pawl dang ațang pawhin eng emaw zat an lut a, Kohhran boruak a nuam hle.

KRISTIAN THALAI PAWL CONFERENCE

Mizoram Presbyterian Kohhran hnuaiia thalaite inhlawm khawmna Kristian Thalai Pawl chuan January 20 - 22, 2012 chhung hian Bial tam zawkah **Bial K.T.P Conference** hlim takin an hmang. Bial thenkhat erawh chuan chawlhkar khatin an sawn hla.

Mizorama thalaite intawh khawmna lian ber, **K.T.P General Conference vawi 54**-na chu March 1-4, 2012 khian Thenzawlah hman a ni dawn a. Inkhawmpui hmanna tur Pandal, mi 20,000 leng tur pawh January ni 12 ațang khan sak tan a ni a; hla hruaitu (musician leh hla hriltu) atana ruatte pawhin Synod Choir Cabin, Conference Centre, Aizawlah January 12 ațang baw khan hla an zir tlut tlut tawh mai.

K.T.P General Conference puala tanpuina pe duh tan Organising Committee, Thenzawlah pek theih a ni.

(HOSPITAL THILPEK DAWN *phêk thumnaa mi zawmna*)

III THILDANG PETE :

1. Bairabi Pastor Bial Kohhran Hmeichhia - Thutthlengsei (Bench) 5 nos.
2. Kulikawn Kohhran Hmeichhia - Krismas thilpek Rs. 10,000/-
3. Durtlang Kohhran Hmeichhia - Chawhmeh chi hrang hrang tam tak
4. Pi Lalzikpuii, N/S, Apollo School of Nursing, Laipuitlang - Sahbawn case 1.
5. Bawngkawn Hmar Veng Kohhran Hmeichhia - Thutthlengsei pali.
6. Pu C. Lalhmungheta, Saikhamakawn, Aizawl - Walker folding
7. Pu B. Lalzela, Venghlu, Ai.zawl - Krismas thilpek Rs. 1,500/-
8. S.A., Durtlang Corp, Durtlang, Aizawl - Thutthlengsei pathum.
9. Lalripuii Hmar, W/o Andrew Zothansanga (L) - Thutthlengsei pahnih
10. Durtlang Presbyterian Kohhran NPSS Krismas thilpek Rs. 7,954/- leh ei tur chi hrang hrang tam tak.
11. MHIP, Hmunpui Branch - Hmunphiah 35 nos.

IV GRACE HOME TANAPETE

- | | |
|--|---------------|
| 1. Luangmual Pastor Bial Kohhran Hmeichhia | Rs. 5,000/- |
| 2. Zemabaw Kohhran Hmeichhia | Rs. 10,000/- |
| 3. Chawnpui Vengthlang Kohhran Hmeichhia | Rs. 5,000/- |
| 4. Chaltlang Kohhran Hmeichhia | Rs. 5,000/- |
| 5. Ramhlun South Vengchung Kohhran Hmeichhia | Rs. 3,000/- |
| 6. KTP, Durtlang Branch | Rs. 6,500/- |
| 7. KTP, Mission Veng Branch | Rs. 10,000/- |
| 8. KTP, Dawrpui Vengthar Pastor Bial | Rs. 6,096/- |
| 9. RIPANS Staff Welfare Association | Rs. 15,000/- |
| 10. Aizawl Venglai Kohhran Hmeichhia | Rs. 5,000/- |
| 11. Chanmari Kohhran Hmeichhia | Rs. 5,000/- |
| 12. KTP, Tuikual Branch | Television 1. |
| 13. Pu R. Romawia, Speaker, Assembly | Rs. 3,000/- |
| 14. KTP, Dawrpui Branch | Rs. 3,000/- |

Thilpek kan dawnate chungah kan Lalpa Isua Krista hmingin lawmthu kan sawi tak meuh va. Charity Fund hi mi mal thlur bik lovin a tling khawm ațangin mi harsate, Damdawi In awm man pe thei lote a hlawma ruh nan buatsaih thina ni e.

Sd/-
(Rev C. LALBIAKHLUNA)
Chaplain,
Presbyterian Hospital.

SYNOD REVIVAL SPEAKER LAK THAR AN NI

Mizoram Presbyterian Kohhran Synod Revival Committee chuan kum hnih (2012 -'13) chhunga Revival Programme hrang hranga tirh chhuah tur Revival Speaker 70 a la thar leh ta. Diltu 113 lai an awm. Speaker lak thar zinga 55 chu term hmasa lama lo hman tawhte an ni a, a dang 15 chu lak thar an ni.

Heng Revival Speaker atana lak tharte hian January 5 khan Synod Committee Room II-ah an inhmu khawm a. February 22 - 24 khian Synod Revival Camping Centre-ah Residential Retreat neih leh an tum. **Kohhranhovin Revival Speaker rawih an duh chuan anmahni (Speaker-te) nena remruat mai lovin fel zawka thil tih a nih theih nan Office lama thlen hmasak zel an duh thu Synod Revival Office ațangin kan dawng.**